

獨

學

廬

二

稿

獨學廬二稿目錄

卷一

玉堂後集

過岳麓書院和諸生送別詩韻兼簡羅

慎齋前輩

漢陽旅次

郾城曉發

經陳太邱故里

新鄭曉發

涉淇水口占

邯鄲

卜居聽鐘山房

梧門圖為時帆祭酒作

題嚴棣華羊裘獨釣圖

題張船山補梅書屋畫卷

詠瓶中芍藥

瓶中換芍藥疊前韻

蓮花寺讀書圖為宗曉巖上舍作

題陸認齋歸田讀書圖

讀蔣立崖四丈出塞草書後四首

初夏偕壽庭船山同遊法源寺

船山見和疊前韻答之

壽庭見和再疊前韻答之

翌日復蒙壽庭酬和三疊前韻

南唐官硯歌和冶亭先生韻

集稷帖字成五言律十章

遊金尚書別墅

雨窗比部招飲適園即席分韻得梅字

過法源寺

桐

竹

老屋

題燕文貴摹王摩詰江干雪霽畫卷

調冰

習靜

文從簡梅花畫卷

立秋日特帆祭酒招遊極樂寺置酒東

亭晏飲彌日歸而有作

沈石田畫席卷

王石谷山水畫燈

題畫冊絕句十首

馬

蟹

松鶴

卧牛

魚遊春水

米囊花

鴨

貓

白芍藥

蟬

題山水畫冊六首

七夕吳壽庭銓曾周廉堂司成葛愛陶
少府同過聽鐘山房小飲次壽庭即

席見贈韻

翌日集廉堂齋中和壽庭韻二首

曾定軒侍御招飲紫雲山房翌日賦謝

秋日偶成

宋節婦婉仙味雪樓圖

九月十九日集周載軒前輩齋中作展

重陽會次何蘭士韻二首

韓禹三比部四十壽言

趙松雪天馬圖

九日酬張船山檢討

二月十三日

聖駕臨幸太學恭紀

奉

命入直

上書房恭紀

奉題

定親王清漣晚泛圖應教

澄懷園即事

春日直廬紀事十一首

郊外書所見

晚過大樹菴

園居雜詩

奉和 成親王積水潭詩韻

奉和 成親王極樂寺詩韻

奉和 成親王澄懷園詩韻

燕蘭曲簡沈侍御舫西

漫興

十七貝勒招遊萃芳園

送同年李石農觀察浙東四首

二鐵詩應 成親王教二首

端午紀恩詩

奉題儀世子松下讀書圖集文選

題聽秋桂舫昆仲聽雨圖

奉賜福壽字乳餅恭紀

奉賜哈密瓜恭紀

十月二十九日作

卷二

鵲聲集

燕燕

元旦清風鎮早霰

肥水

永濟道中

將渡黃河寄蘭都門親友

寶雞作

入棧作時方有賊警

夜宿馬道

褒城驛

七盤嶺記事

西溪

舟泊叙州

南川盛尹負米圖

題十美圖十首

試院作二首

試畢示諸生

郡齋偶成二首

客貽雙菊漫成

詠文旦十六韻

秋日述懷

合州查賑歸有作

湘琴自丹稜來見訪喜而有作三首

和杜陵諸將五首元韻

述夢

放言

讀漢書四首

溪山獨釣圖

徐文長玉印歌

奉和楊荔裳方伯試院述懷之作四首

寄懷方有堂太守

葺妙雲精舍既成戲題一律

春日對酒有懷吳生兼山

溫湯峽

初春與英已亭司馬譚子受別駕同過
蒙子園看梅并訪主人張玉屏檢討
奉題趙損之先生丙舍授詩圖遺像卷
桂門關營次作

軍營雜述六首

即事雜詠十八首

溪山雪霽圖為錢蘅香刺史賦

題俞敬先主簿細雨騎驢入劍門圖

秋日偕方有堂太守放舟白帝城即事

懷古

巫山道中

甘后墓

雲陽謁張桓侯祠

雲陽道中榜人不戒舟為灘石所敗詩
以志事

偶過綏定城南西聖寺

陳解元伊言自夔門寄詩見懷依韻奉
酬并蘭有堂觀察二首

白沙河途次墜馬受傷詩以志之

正月十三日旋郡作二首

癸亥花朝為么姬二十初度戲成四律
寄之

西聖寺僧房牡丹初開同人携酒賞之
陳笠帆觀察奉諱北歸賦詩送別四首
暮春書懷二首

聞三月初二日考試翰詹寄懷同館諸
子

排悶

夔府留別方有堂

龔稼堂刺史罷官南歸將就廣文之職
詩以送之四首

書譚子受別駕扇頭即和楊荔裳方伯
贈詩元韻

醉後為李郎題扇二首

有堂觀察于役裏塘賦詩寄示依韻奉
酬時觀察有陳情之請故詩及之

即席調周秋塋刺史兼寄笠帆同年四
首

漫成

有堂觀察陳情得請賦詩寄示次韻奉

酬

和荅法時帆學士

送鄭靜山觀察之官建昌

惆悵詞四首

卷三

學易齋吟草

自題藏器圖

沈硯畦四十初度占兩絕壽之

題傅青主水墨花卉畫冊

題趙蘆洲太守雪裏從軍圖二首

題洪石農畫冊三首

臘月八日奉陪嚴筠亭觀察探梅蒙子
園與主人張玉屏檢討茶話至暮而
歸偶成二絕句

岸上舟圖為馬軼凡作二首

望峨圖為王雲浦刺史題二首

梁間燕

瞿塘

巫山十二峯歌

兵書峽

靈風觀

乙丑元旦

峽中作

青灘

出峽

人日舟中作

元夜舟中獨酌成詩

江鳥

獨酌

雨泊

感遇

夜宿呂堰驛追訪王聽夫事目述以詩

楊柳

朱仙鎮弔宋將軍岳武穆二首

汴梁懷古

重過邯鄲疊乙卯舊作韻

座師王文端公輓辭三十韻

松蘿店壁間有雲南選士劉春林題句

愛其卓犖和者數十人雖工拙不齊

皆斐然可觀不覺見獵心喜隨筆成
詠積十二首

入都作

蘆雁圖卷為曹定軒給事作

望雨

初夏游西山岫雲寺

夜宿延清閣

留題朗月上人方丈

初出都門見田家望雨未得感而有作

平原懷古

徐州感事作

楊莊阻淺

到家示兒輩八首

自封生壙畢作詩志意

為朱愚溪題西湖話雨圖并懷張蔣塘

明府二首

題蔣立崖四丈天遠雲歸圖

游梁溪秦氏寄暢園四首

仙巖春曉圖為陳巢雲賦

九月初舟過毘陵適遇穉存同年六十

初度賦詩為壽

登舟將發適陳桂堂同年自松江來歡
聚累夕承以詩饒百疊詩冊見示目
次卷中元韻四首都寄

梅花嶺過史閣部墓追和亡友李介夫
編修詩韻四首

舟過金山寺同福與其婦唱和成詠目
次其韻

趙二開仲相送至京口別後却寄次同
福韻

武昌感舊作

雪中登黃鶴樓

雪滿江皋蓬底悶坐漢陽太守紀香谷
以酒肴見遺走筆成詩

書故相劉文清公手書詩卷後八首

獨學廬二稿卷一

玉堂後集 古今體詩一百十一首

東吳石韞玉著

過岳巖書院和諸生送別詩韻兼簡羅慎

齋前輩

瀛洛淵源仰數公
名山壇席古今崇
共傳薪火歸吾黨
常使絃歌集此中
四面烟蘿衡岳近
一時風詠舞雩同
白雲紅樹秋容絢
始信文章大塊工

登山臨水客將歸
閑坐籃輿陟翠微
河岳英靈

思夕秀類林衿佩憶初衣程門雪裏春常在郢
曲人間和未稀幾輩鳳鸞猶息羽此心常繞楚
雲飛

漢陽旅次

掛席出湘浦迴舟度漢臯水經平野闊風過大
江高雲澤無芳草龜山有怒濤誰歟毳衣者氣
象獸蕭騷

郢城曉發

潁水粼粼白石寒招搖東轉夜闌干終宵車下
聽牛鐸更作騷騷上路看

經陳太邱故里

官府政多闕庶人私議生嗟彼桓靈朝皇綱日以傾奄人起鉤黨處士爭虛名汝南畿輔地乃有月旦評區區太邱長風采動公卿談笑杯酒間德星為之明蜩蟬果厲階標榜亦亂萌君子辨名實聲聞恥過情

新鄭曉發

執策歸京國驅車鄭衛原鳴騶矜識路倦鶴畏乘軒殘雪明遙野初曦出遠村松醪濁如蟻薄醉借微溫

涉淇水口占

詩箋空祖鄭康成聚訟淇園葉竹名記取宣房
為健事史官原可勝經生

邯鄲

邯鄲古道繞城闌京洛塵深浣畫輪不遇神仙
皆夢境儘多廝養妃才人雲中征路蒼梧遠河
上悲歌錦瑟新知道繁華纔一昔俗情猶羨宰
官身

卜居聽鐘山房

三年獨處江春重賃衡茅著此身窮巷不知

人似海冷官合與佛為隣
琴床茶臼安排好候
鳥時花次第新
回首東山舊絲竹風流誰繼謝
公塵

此屋為謝金
國先生舊第

梧門圖為時帆祭酒作

舊日楊雲宅秋梧百尺陰
大材宜廣廈雅抱尚
喬林圖畫風烟古詩書歲月深
春暉有餘慕不
廢蓼莪吟

題嚴棣華羊裘獨釣圖

七里嚴陵道扁舟昔往還
伊人茲宛在佳境若
重攀小隱桐江上秋心釣竹間
祇愁六鰲客天

未許投閑

題張船山補梅書屋畫卷

張郎示我補梅圖
水墨蕭疎近世無
誰可與花作知己
孟襄陽外只林逋

詠瓶中芍藥

婪尾花開信已遲
豐臺猶有未殘枝
瑤階舊價千人重
金屋新歡四座知
春色將歸彌絢爛
芳容同列見參差
詩家妙語非相謔
欲采名葩貴及時

瓶中換芍藥疊前韻

春光爛漫不妨遲采盡瓊芽次第枝按譜名多
輪日換賣花聲熟到門知風人投贈情無間園
叟標題價有差莫謂新歡移故寵偶然首厠幾
何時

蓮花寺讀書圖為宋曉巖上舍作

十笏維摩室秋林爽氣澄伊人方執筭吾道有
傳燈竹素新知少槐黃舊夢曾衡茅相望處陳
跡畫圖徵

題陸詒齋歸田讀書圖

賢侯倦畫琴堂諾解組歸來載琴鶴故老常懷

父母恩散人自愛江湖樂宦海人人願拂衣幾
人容易遂初歸柴門松菊吳淞畔坐擁書城向
翠微

讀蔣立崖四丈出塞草書後

短衣匹馬曼胡纓曾向龍沙萬里行偶為憐才
招謗譴都緣邁俗得狂名蘇公詩獄災無妄宓
子琴堂政有聲廿載跂予今握手當筵傾寫慰
平生

倂儻才非俗吏知風流宏獎孰能師項生名喜
逢人說杜老詩從出塞奇席幄煮冰晨草檄雁

門躡月夜吹簫壯心但述茲遊勝翻笑經生牖
下癡

驅馬悠悠出玉門崆峒西去接崑崙解衣平揖
將軍座執策周行校尉屯荒磧射雲鵬羽健穹
廬避雪茱簾溫懷人紀事成新什鄭重奚囊碎
錦存

青海紅山百驛遙班生歸老鬢毛凋年愁但假
吟詩遣憂患都緣識字招絕塞賜環鴻並返故
山携屐鶴相邀竹中舊徑多三益不待萼鱸樂
已饒

初夏偕壽庭船山同遊法源寺

閑携蔬筍煮烟霞坐久松寮墻影斜我室喜隣
彌勒院衆生搏盡女媧沙一燈傳道今誰是萬
甲同仇古亦誇解得華嚴頌中意飄苗隨厠搃
空花

船山見和疊前韻答之

劍南詩筆健凌霞尺一銀箋醉墨斜事到彼家
皆嚼蠟道存我相尚蒸沙僧非粲可談鋒懶客
是羊何藻思誇誰說維摩忘結習偶然微笑也
拈花

壽庭見和再疊前韻答之

珊珊仙骨抗青霞想見桐陰點筆斜琴遇賞音
爭刻羽金經能手善披沙不辭墨妙逢場戲況
有門才跨竈誇謂令子星附我似邯鄲思學步重拈
枯管祝生花

翌日復蒙壽庭酬和三疊前韻

三疊琴心奏落霞瑤緘封處印泥斜縱橫文陣
風舒錦離合朋簪雨聚沙傲吏出塵今代少郎
官應宿古人誇詩成敏捷真無敵筆吐神仙頃
刻花

南唐官硯歌和冶亭先生韻

歙州石液天不緘割雲巧匠窮鑄鑱南唐硯務
製精妙辟諸和璧昆刀剡歐陽居士心鄭重銘
辭首署龍圖銜文人結習先後揆心乎有愛徵
咕喃吾師立朝廿五載省院曹署皆清嚴校書
翻盡玉檢冊典禮判出金泥函南金東箭廣羅
網清詞麗句勤修芟文章之役必携此朝夕不
離若史監宗工上接六一統和羹秘妙非酸醎
坐客幸無顛米癖傳觀不畏逢貪饒手持麋丸
日三試金星熠耀眉紋髣

歙石以眉子
紋為最佳

集契帖字成五言律十章

一歲春將盡同人向此臨靜聽流水曲若在山陰幽契猶蘭室清言又竹林諸賢咸作者叙錄盛于今

萬年同一昔為樂及其時古迹陳猶在清遊聽所之林陰曰水曲風信與蘭期不盡懷人抱長言寄故知

盛會期初地幽娛集可人詠言懷在昔絲竹氣知春坐向林間列觴于水次陳靜觀今古事悲樂每無回

遇合隨當世風流樂此生管絃娛契會述作得
文彰稽古已無迹感春殊有情遊觀嘗永日山
水向人清

人視彭咸老山齋少室崇靜觀林外水暫坐竹
間風大化無修短羣言有異同古今一俯仰相
感在初終

天宇清和後羣生得氣初閑遊遇蘭若幽迹在
林於臨水知山盡目風悟竹虛文人樂稽古其
地故無諸

虛室當山靜長林帶水幽時賢於此遇故事久

同修天趣暢無極人情和不流快哉今日會豈
異永和遊

世間同向盡賢者以文娛大樂人人得清流事
事殊林亭諸品靜觴詠一時無老至言懷抱猶
能感萬夫

詠春時品竹娛老或陳觴文為懷賢作言目述
事長坐間九流集室外一山當領得幽人致風
情永寄將

賢者生斯世羣情無間然幽蘭與同誕古竹或
齊年知已懷清老風人有樂天修和由氣化欣

感不能遷

遊金尚書別墅

青門故侯第白屋野人家蓮卷巢龜葉桐舒集
鳳花籬牽瓜蔓直石甃筍根斜猶有金鈴犬閑
齋護絳紗

雨窗比部招飲適園即席分韻得梅字

休沐有餘晷羣賢不速來忘形相爾汝攬勝此
亭臺花券先春署書倉任客開酸醎詩味好妙
不在鹽梅

過法源寺

官閑不衫履地僻少風塵綠樹深藏寺黃花澹
向人僧流忙似俗秋草豔於春祇為幽尋便僑
居此卜隣

桐

桐花如雪糝庭陰綠罨簾雲小院深不向人間
作琴瑟都緣世未有知音

竹

劖竹編籬護筍生喜新猷故亦人情秋時又苦
繁陰滿礙我西窗看月明

老屋

老屋雙林近虛齋十笏寬幽花如靜女芳樹號
文官種藥長庚宅然藜太乙壇閑門無剥啄村
景獨盤桓

題燕文貴摹王摩詰江干雪霽畫卷

輞川居士畫中聖尺山咫尺水皆神境萬品都歸
翰墨緣一生常抱烟霞性後來秀者有燕生初
由擬議臻神明千巖萬壑在方策觀者如向山
陰行雪霽一圖最精絕蒼靈如蓋繁雲積霜落
仍餘木葉紅天寒不改澄波碧十家五家江上
村村人畏寒深閉門山川一色混茫裏不辨雲

痕與雪痕蘆洲荻港東西路蘆花荻花亦如絮
釣客歸家星在留行人涉水雲迷渡我思昔歲
赴湖湘萬里江天一葦杭行旌遙遙風雪裏下
自金焦達武昌大江兩岸山如織時在瓊瑤炫
金碧當時身在畫中行不覺江山甚奇絕即今
埋首軟紅中回首烟雲有夢通偶曰讀畫逢佳
境如在蓬壺弱水東

調水

性不曰人熱調水正及時寒從瑤水出清與玉
壺期狐昔先春聽蟲今入夏知洪鑪消似雪猶

可沁詩脾

習靜

端居惟習靜衆籟寂無譁
座撤談經席門迴問
字車幽禽閑集木冷蝶倦尋花猶有聲聞處隣
僧課法華

文從簡梅花畫卷

山人舊與梅花約共向空山守猿鶴慙抗塵容
了俗緣終乞閑身踐初諾頻年京國漫驅馳回
首春風怨別離吾家山曲香如海誰解芳心與
護持文翁彥可工圖繪轍材十尺苔枝在淡影

橫斜水墨中幽香吐納烟霞外烟霞標格月精
神妙手寫花如寫真風塵不類尋常士別寫山
林出世人我思故山時太息况披此卷又雙絕
幾生修到如花身長在山中卧冰雪

立秋日時帆祭酒招遊極樂寺置酒東亭
宴飲彌日歸而有作

迎秋偶敏梵王宮涼院初飛一葉桐選佛地高
諸品上談經座列衆香中萍目水聚頻離合燈
假薪傳有異同斜日在林人影散詠歸共趁舞
雩風

沈石田畫席卷

壯風獵獵吹林薄獸走禽飛席聲作荒村十家
九閉闔居人坐卧驚風鶴石田先生畫中祖有
客款門夜談席客去先生繪作圖錦毛遍爛目
如炬先生健筆萬夫雄不畫騶虞畫戾蟲辟諸
國史名檮杌別抱懲奸瘡惡哀我今觀圖別有
見衆生猶讓席心善請看社鼠與城狐顛倒魅
人日千變世人談笑可危身翻覺山中席易馴
善人所在席心悟善人夕來席朝渡

王石谷山水畫燈

廿年種竹蔚成林小築茆堂就樹陰
我有滄浪溪上宅分明先得畫師心

題畫冊絕句十首

馬

萬里超騰老驪驕不施鞿勒自調良
一從鑄式金門後閑蹋天街向夕陽

蟹

無腸公子久知名漫說胸中有甲兵
且付門生重定議可宜終古聽橫行

松鶴

鬱鬱喬松凌紫烟雙雙白鶴舊巢巔當時曾拜
秦皇爵又閱風霜不計年

卧牛

豈為輟耕歸隴上抑緣遊牧住山中道周若使
逢丞相但說調元贊化功

魚遊春水

磯上桃花糝落英空潭如鏡見魚行濠梁儘有
忘機客不必江湖始樂生

米囊花

此亦山中小草偷逢時紅紫絢芳春神農不蓄

非無意開徧畦町不饋貧

鴨

錦江初暖已知春吟到鳬鷺古調新如此羽毛
猶自惜與波上下笑斯人

貓

春蕪如蜀綠盈庭雪色狸奴白澤形碩鼠在郊
都不管閑來花亞撲蜻蜓

白芍藥

一枝明豔萬花中標格裁冰削玉同業與花王
充近侍不應長此白衣終

蟬

秋氣先歸碧樹陰
幽棲自詎入林深
祇緣吟嘯高枝上
遂起螳螂欲捕心

題山水畫冊

江上秋山擁碧鬟
一林紅葉白雲間
數聲柔艣斜陽裏
何處幽人載鶴還

修竹檀藥十畝陰
柴門左右藕花深
自從獻賦金門後
如此風光不易尋

楊柳依依江上村
桃花水繞釣磯溫
漁師收網歸家早
倚櫂看山直到門

松下房櫳對月開蓬頭童子抱琴來山中自譜
漁樵話不向周南問樂哀

羣峭摩空碧玉簪靜中如聽海潮音觀濤人在
吳山頂時有蛟龍足下吟

枯木槎枒積雪寒此中高卧有袁安如行玉宇
瓊樓上大地山河一色看

七夕吳壽庭銓曹周廉堂司成葛愛陶少
府同過聽鐘山房小飲次壽庭即席見
贈韻

瓜花乞巧開庭院滴瀝銅壺換銀箭忽聞門外

駐高軒玉驄光耀吳門練吏部文章舉世宗筆
花五色當筵絢江東公瑾本如醇縞紵依依故
人戀况值長庠山右來敢辭秉燭開宵譙磨刀
不必向豬羊泔齏豆粥吾家膳憶昔相逢各少
年當時同訂金蘭傳後先踵武

紫宸班出者亦為文學掾頻年踪跡別離多不
及雙星歲相見今朝執手坐花陰笑言自覺心
相眷綠竹紅蕉四座間清談纓纓聽忘倦對酒
當歌倍有神一曲繁花落如霰相期不醉搃無
歸興已淋漓心未饜詰朝再理舊杯盤兩家各

向離亭餞

翌日集廉堂齋中和壽庭韻

昨朝阮屐蹋庭莎正值雙星夜渡河舉酒真如
對公瑾聽鐘久欲証維摩黃花節近朋簪盍白
雪吟成和草多莫怪開尊迭賓主秋光彈指若
流波

秋色三分月二分花香人氣兩氤氲舊遊劍閣
兼黃鶴新曲楊枝又紫雲醇酒在尊忘燭跋清
談列座與蘭羣鄴中季重多風調主掌詩壇張
一軍

曾定軒侍御招飲紫雲山房翌日賦謝

紫雲山館對清暉
客為招携共款扉
推矢投壺風近古
藏花賭酒醉忘歸
一庭松菊生秋爽
四壁烟蘿弄夕霏
讀書評書不知倦
米家秘笈世應希

秋日偶成

曼倩官如隱秋齋
良靜佳墨香留淨
几花影轉闌階
說劍邀秦客填詞
付越娃近叅齊物
理無夢觸蠻蜩

宋節婦婉仙咏雪樓圖

檐外銀雲冷不流有人恤緯住瓊樓梅花與月
空相守桂樹凌霜不計秋錦瑟年華經過半熒
熒燈火偕昏旦瀚海曾聞噉雪人貞臣靜女應
同傳

九月十九日集周載軒前輩齋中作展重
陽會次何蘭士韻

登高已誤菊花時嘉會重簷十日期自愛開尊
同壯海幾疑送酒向東籬卽厨久說調羹好鄴
架尤於問字宜况遇工詩何水部濤箋如錦界
烏絲

跌宕詞場又酒場不知塵海有炎涼
花開老圃風霜古人到中年翰墨蒼官喜
逃禪師粲可詩能入畫逼倪黃誰家再啟西園讌
好客從來說鄭莊

韓禹三比部四十壽言

貴胄多才子郎官等列仙曾於總角歲共賦采
芹篇得路青霞上登壇赤幟褰策同庾信射鞭
讓祖生先

壯闕承恩日西曹筮仕年持平今定國邁種古
庭堅薦剡廷評協簽名

帝簡專花驄庾嶺外繡豸粵江邊惠政甘棠蔽
哀吟陟屺傳望雲吳苑樹載石鬱林船孝子懷
風木貧官慮粥饘車驅秦隴雪帆掛楚湘烟岐
路纔分手歸

朝又比肩半生蘭契密四秋鶴籌綿初過中秋
節爰開介社筵壽星方在次卿月正逢弦羣羨
田荆茂端知竇桂連椿庭猶潔養鴻案亦齊賢
鈞樂笙簧奏雄文黼黻宣真儲台鼎望戡穀頌
瑶牋

趙松雪天馬圖

道人筆掃千人陣，額出驊騮自神駿。
教駒舊法首周官，詐馬名王胥漢印。
武皇威德鎮天山，天馬西徠進玉關。
首着香中秋萬里，龍媒畢竟住天閑。

九日酬張船山檢討

城中風雨為催詩，欲醉茱萸已後期。
流水年華松並老，傲霜心事菊先知。
結廬可惜陶公遠，落木仍同宋玉悲。
臨水登山歸去晚，蕭蕭短髮不勝吹。

二月十三日

聖駕臨幸太學恭紀

闕宮禮樂尚宗周

萬乘親臨祀典修六籍笙簧歸

聖學百官黼黻總

皇猷橋門水識

恩波渥輦路風占道氣適幸向廟堂陪裸獻敢
辭珥筆記鴻庥

奉 命八直 上書房恭紀

十年簪筆侍楓墀

聖學高深不易窺孔思周情符上德星輝海潤

慶重熙才疎忝與經師選
道大應教胄子知却
恁鄒枚虛遇主但將辭賦答明時

奉題 定親王清漣晚泛圖應教

清暑汎蘭舟芳洲選勝遊
日華蓮外淨風意柳
邊柔為善平生樂長吟天地秋
舒音揚令問蕪
筆媿枚鄒

澄懷園即事

老樹臨官道清溪繞直廬
壯心矜櫪馬樂志羨
淵魚待漏晨燒燭沽春夜剪蔬
閑門無剝啄顧
影自軒渠

春日直廬紀事

十日春陰近，耕辰雨師先。事為清塵。

至尊親舉三推禮，隴上應多叱犢人。

習射由來可序賢，柳陰畫布月輪圓。即今百步穿揚手，應讓

天家子弟先。

黑山蟻賊叛經年，日日軍符旁午傳。漢上公廨先授首，捷書今早到甘泉。

春波送綠上苔磯，磯側斜開月樣扉。六尺平橋通步輦。

御香一道入林霏

春水溶溶繞苑牆
百花環擁讀書堂
中官閑賭垂綸
技釣得金鱗一尺強

書堂四面碧溪橫
畧約東邊畫舫行
激得流波向西注
落花無數過前榮

大官侵曉便傳餐
阿監擎來竹裏盤
飯罷更頒新茗飲
玉泉水煮密雲團

窗外春流碧似羅
都從福海瀉餘波
臨溪喬木先皇植
繞屋輕舳貴主過

春宮典學重經師
筮易箋詩每出奇
餘事猶能

該衆妙 成王書畫 質王基

澹雲疑雨復疑晴林外聲聲布穀鳴傳道

上皇清蹕出大東門外省春耕

蓬萊宮殿慶霄間鏡裏烟嵐萬壽山雲氣輪囷
峰頂出化為霖雨徧人寰

郊外書所見

花誕初過衆綠新躡青士女徧芳畛柳邊白屋
蔽冰窖花亞朱輪祭墓人緯耒行田畊犢健負
薪歸市橐馳馴四民已享熙春樂課雨猶勞
萬乘親

晚過大樹巷

退直渾無事徐行向梵天
野花新雨後山木夕陽邊
觴詠乘三月禽魚共一川
老僧遺世累人海自安禪

園居雜詩

石垣瑣碎裂冰紋薜荔沿
綠翠若雲春色不隨流水去
林陰新築葵花墳

奉和成親王積水潭詩韻

欲訪西崖勝言尋北郭遊
滄洲憑嘯傲佳日愛勾留
碧水環如壁紅蓮汎若舟
不驚車騎盛沙

上有眠鷗

奉和 成親王極樂寺詩韻

載酒為良會招提約不違
樹知前路是鶴訝故巢非
滴露書楹榜和烟煮澗菲
愛茲清淨境相對欲忘歸

奉和 成親王澄懷園詩韻

飛蓋停沙際鳴鶻繫樹根
橘增新釀色竹損舊題痕
行樂驚花助懷賢翰墨存
夜歸燈火散纖月近黃昏

燕蘭曲簡沈侍御舫西

梨園諸老散如塵今有娉婷雙壁人南國舊家
依茂苑西都新宅近平津登場幻作嬋娟拜猶
是仙韶院中派楊柳胷肢欲泥人櫻桃眉目真
如畫相逢不肯便通名衆說蘭卿與燕卿一種
幽香應曠世百般妙舞總傾城傾城傾國原難
得初日芙蓉去雕飾座上金貂問姓名曲中粉
黛無顏色梨花槍法似通神況有紅樓一曲新
始信幽蘭非衆伍轉疑飛燕是前身曲罷殷勤
致繾綣笑酌流霞再三勸曾共歡場鬥酒兵敢
辭醉墨評花券由來兩美苦難降誰謂無雙竟

有雙鐫名並入茗華壁寫影同歸窈窕牕百官
第宅頻開晏笙歌處處傳呼徧繁欽風調謝莊
才當時不立秦宮傳門外時停御史驄蘭陵璠
珀聲千鍾醉中春色如花豔醉裏春情似酒濃
春色春情看不足良宵剪盡金蓮燭願作移宮
換羽人當筵翻作燕蘭曲

漫興

澄懷園中可結隣不施灑掃無纖塵幽花當徑
若迎客老樹隔牆如瞰人池水淡於魚肚色山
石皴似礬頭皴主人嬾散少機事左右魚鳥皆

相親

十七貝勒招遊萃芳園

馳烟小驛枕清瑤曲岸回風泛畫橈魚鳥樂依
仙眷屬香燈慶慶佛生朝蓮池尚卷巢龜葉桐
井初舒集鳳條欲以難難知稼穡桔槔引水灌
新苗

送同年李石農觀察浙東

昔年升士籍與君兩頡頏相見意氣投日而肝
胆向稽古共冥搜論今互遐訪推賢我獨深友
諒君何讓君今承

帝簡繡衣巡海上抱才方有用守道必無謗永
嘉山水窟雲物竄清曠風俗亦樸淳祿入裕潔
養飲水盡親歡焚香答

天貺優游布爾政自副蒼生望

國家承平久八瀛如莊衢近聞草竊輩嘯聚海
東隅黨羽累就戮渠魁尚逋誅坐令守土吏東
手相嘻吁徒憂亦何益所貴求根株我思絕島
外古係無人區生厓在螺蛤居處依萑苻安能
久生聚三舖充無虞此必有奸宄齋梁給其需
今惟嚴舶禁粒米不使踰終當鳥獸散殲滅等

朽枯

庭堅古刑官素著執法名執法豈云難貴得法
外情蚩蚩我赤子艱辛度晦明一朝隔縲紲哀
鳴求其生近世吏折獄半由文致成鈎距以為
巧民命鴻毛輕世若有此輩君當力支撐與其
殺不辜寧失於不經往詰有明訓百世不可更
我年未四十遽抱奉倩悲嗟君亦同病中歲虛
其帷上有白髮親下有黃口兒貧官艱井臼隻
身强支持無何兒復殤興言輒漣涕丈夫貴闊
達勿厘兒女思中饋聞無主何以成孝慈勸君

覓麟膠及時續朱絲

二鐵詩應 成親王教

軒皇截竹發奇響誰與鑄鐵肖其象百鍊曾經
歐冶成一聲已遇柯亭賞朱邱弄藏寶愛深況
聞嘉侶有銅琴鏗鉤譜出鈞天曲不作尋常絲
竹音

右鐵笛

賢王論世表孤忠摩挲古鐵純鉤同戲金宛轉
廿八字想見弼士貞臣風我今顧名思其義嗟
公未遂平生志崔魏升朝楊左僂世間何事能

如意

右趙忠毅鐵如意

端午紀

恩詩

秘館辰居近良時午日新匪領先

禁藥保直厠朝紳胄子頻前席中官特錫綸堆
槃交絢采簇篋又臚珍和露丹丸貴含風翠綺
勻珠聯栴實衍扇緝鶴翎純綵索徵延算靈符
仗護身龍文輝結佩魚袋屑香塵即此

恩施渥如聞

帝命諄果然天貺節異數逮儒臣

奉題 儀世子松下讀書圖集文選

載筆陪旌榮

謝眺

三八承明廬

應璩

唯然覩世

哲顏延年

志尚好詩書

阮籍

巖穴無結構左思

仰觀嘉木敷

何敬祖

長嘯入青雲

曹植

思賢詠

白駒曹植

爽籟警幽律

殷仲文

振風薄綺疏陸

機豈徒暫清曠

邱遲

是謂仁智居應璩

題聽秋桂舲昆仲聽雨圖

蕭齋十笏掩寒碧中有聯床聽雨客元方有弟

季有兄清門文采雙珠璧憶昔鶯鳴求友時君

家伯仲窳先知家學相承一品集菰林爭誦二

難詩兩君乘時驥足展我亦奔馳後塵殿佩鞬
同遊鉅水春擘牋分詠澄江練轉燭光陰廿五
年人生離合似雲烟才子著書侯鯖錄貧官載
石鬱林船維時我稅湖湘轍兩地相望更相憶
吳下懷人念古懽湘中送客成新別邇來重聚
春明道時把朋尊一傾倒老至方知少歲難舊
交摠比新知好觀君此卷重躊躇人有兄弟我
獨無聲華人說東西陸急難吾思大小蘇

奉

賜福壽字乳餅恭紀

天厨出珍品中使赤盤盛素比熬波出香猶潑

乳生方員均就範福壽各題名幸識醍醐味彌
增食德情

奉

賜哈密瓜恭紀

西域靈瓜美衝寒至未央翠肌迎刃脆丹液沁
牙涼真可同崖蜜無煩問蔗漿瑛盤宣賜處禁
近窠先嘗

十月二十九日作

短鬚憂時改長繩繫日傳千金藏敝帚一劍試
新硎鶴訝今年雪龜占昨夜星軍書頻報捷鍾
鼎竟誰銘